

Na osnovu člana 16. stav 2. Zakona o Vladi Zeničko-dobojskog kantona - Prečišćeni tekst („Službene novine Zeničko-dobojskog kantona”, broj: 7/10), a u skladu sa Programom utroška sredstava planiranih u Budžetu Zeničko-dobojskog kantona za 2021. godinu na poziciji „Kapitalni transferi drugim nivoima vlasti – za zdravstvo“, broj: 02-11-9365/21 od 01.07.2021. godine, na prijedlog Ministarstva zdravstva, Vlada Zeničko-dobojskog kantona, na 113. sjednici, održanoj dana 13.07.2021. godine, d o n o s i

O D L U K U

o odobravanju sredstava JU Zavod za medicinu rada i sportsku medicinu Zeničko-dobojskog kantona za pokriće troškova rekonstrukcije postojećeg vrelovoda-priključenje objekta Stacionar na sistem daljinskog grijanja

Član 1.

(Predmet)

(1) Odobravaju se sredstva JU Zavod za medicinu rada i sportsku medicinu Zeničko-dobojskog kantona iznosu od 96.576,54 KM (slovima: devedesetšest hiljad petstotina sedamdeset šest i 54/100 konvertibilnih maraka) za pokriće troškova rekonstrukcije postojećeg vrelovoda - priključenje objekta Stacionar na sistem daljinskog grijanja (I i II faza).

(2) Odobrena sredstva se odnose na realizaciju Sporazuma o provođenju postupka zajedničke javne nabavke radova na priključenju objekta Stacionar na sistem daljinskog grijanja, koje su potpisali JU Kantonalna bolnica Zenica i JU Zavod za medicinu rada i sportsku medicinu Zeničko-dobojskog kantona i ugovora zaključenih sa JP „Grijanje“ d.o.o. Zenica (pripadajući dio troškova Zavoda).

Član 2.

(Analitička konta)

(1) Sredstva iz člana 1. ove odluke isplatit će se iz Budžeta Zeničko-dobojskog kantona za 2021. godinu („Službene novine Zeničko-dobojskog kantona”, broj: 7/21) sa razdjela 21- Ministarstvo zdravstva, budžetska organizacija 01, potrošačka jedinica 0001, ekonomski kod 615100, pozicija „Kapitalni transferi drugim nivoima vlasti- za zdravstvo”.

(2) Sredstva odobrena Odlukom će se transferisati na račun JU Zavod za medicinu rada i sportsku medicinu Zeničko-dobojskog kantona broj: 1340100000000896 otvoren kod ASA banke, na osnovu zaključenog ugovora o nabavci i faktura ispostavljenih od dobavljača.

Član 3.

(Provođenje Odluke)

Za provođenje ove odluke zadužuju se Ministarstvo zdravstva, Ministarstvo finansija Zeničko-dobojskog kantona i JU Zavod za medicinu rada i sportsku medicinu Zeničko-dobojskog kantona, svako u okviru svoje nadležnosti.

Član 4.

(Izvrštavanje)

JU Zavod za medicinu rada i sportsku medicinu Zeničko-dobojskog kantona je dužna izvjestiti Ministarstvo zdravstva o namjenskom utrošku sredstava, dostavljanjem dokaza o uplati sredstava dobavljaču.

Član 5.
(Stupanje na snagu)

Odluka stupa na snagu danom donošenja i bit će objavljena u „Službenim novinama Zeničko-dobojskog kantona“.

PREMIJER

Mirnes Bašić

Broj: 02-11-9984/21

Datum, 13.07.2021. godine

Zenica

DOSTAVLJENO:

1x Ministarstvo zdravstva,

1x Ministarstvo finansija,

1x JU Zavod za medicinu rada i sportsku medicinu

Zeničko-dobojskog kantona, putem Ministarstva,

1x „Službene novine Zeničko-dobojskog kantona“,

1x a/a.